

Kaienawa'séhtshera ne Onkwehón:we akonakerahserá:kon

Ohahakeiohóntsare – Tsothórha 2025

Ne Quebec Tehonnitiohkwakén:nie's ioterihwaién:ni orihwí:io aónton tsi akwé:kon skénne tsi enwatohétste ne provincial tenhonnitiohkwakén:ni tánon entewátka'we aka'shátsteke ne ónkwe aionshá:rine ne Quebec. Ionkwaterihwaién:ni aontaiakwatka'we nahò:ten kari'wanóntha ne tehonnitiohkwakén:nie's áhontste nahò:ten rotianerenhserá:ien ne tahonnitiohkwakén:ni. Tiókonte tsi ionkwaskénhnhen sénha aontiesénhake tsi iá:ien tánon tóhsa thénon akaió'tate.

Akakwatákon sénha aontiesénhake nahò:ten otia'ke kari'wanóntha tahonnitiohkwakén:ni

Ne iotohserohetstá:nion tionkwatka:wen nia'tékon tsi nikaié:ren sénha aontié:sen'ne otia'ke tahonnitiohkwakén:ni.

- Tehonnitiohkwakén:nie's ne tsi ionterihwaiénstákhwa enwá:ton ki' ne ronteweiénstha tenhonnitiohkwakén:ni ne' e'tho, ne tsi iotká:te iah tsi thatí:teron tehón:nes tsi ronterihwaiénstha.
- Tehonnitiohkwakén:nie's raotinén:ra iehonnétha tsik nonwé:shon tsi nón:wa ní:ioht ne thotí:ion's rontorishentákhwa aón:ton ni nen'né:e tahonnitiohkwakén:ni ne tsi thatí:teron.
- Ne tehonnitiohkwakén:nie's ákte' nón:we ne Quebec iehón:ne's tsi nikarí:wes teionnitiohkwakén:nie's enwá:ton ktienhonthiatonhserániehte.

Kí:ken tsi nikaié:ren né:ne aonton'seró:nenhte ne thénon akaió'tate ne taionnitiohkwakén:ni tánon aiako'nikonhrá:reke ne tsi niká:ien ratiri'wanóntha kaienawa'sétshera.

Ne ohná:ken sha'tonsahonnitiohkwakén:ni wahé:ne'ne tsi kaienawa'sétshera kari'wanón:tha ne Onkwehonwé:ne kanakerahserá:kon. Tsi nónwa ní:ioht, ionkwaterién:tare ótia'ke tehonnitiohkwakén:nie's kwató:ken tsi nón:we ronentorá:se nónen ienkáhewe ahontatshenninión'te ne tsi thatisennarón:nion ne tehonnitiohkwakén:ni, tánon ahonthró:ri ónhka ne ronnónha ne tsi tethonnitiohkwakén:nie's.

Ne 2023 Elections Quebec wahonnitiohkón:ni ahatikaénion tó: niiá:kon Onkwehón:we wa'tionnitiohkwakén:ni. Né:ne ahatikaén:ion nahò:ten ronatiáktani iahón:ne ne tsi tethonnitiohkwakén:nie's ne Onkwehonwé:ne kanakerahserá:kon ne Quebec, wahonnón:ni tsi nakaié:ren nahò:ten kari'wanóntha tánon wahonwanaten'nikón:ron ne ohén:ton iehón:nete.

lonkwatoriá:neron Onkwehonwé:ne kanakerahserá:kon aorihwá:ke

Ne Quebec 11 nihotinakerahserá:ke ne Onkwehón:we. Akwé:kon óia na'té:iot tsi nihotikaró:tens tánon ne kwah tsi ní:ioht. Kari'wanóntha aiakwakaraienté:ri tánon aionkwa'nikonhraién:ta'ne akwah tsi ní:ioht, oh naiá:wen aionkwaterién:tara'ne nahò:ten kari'wanóntha ne Onkwehón:we akonakerahserá:kon. lonkwaterién:tare nahò:ten wentó:re raotirihwá:ke ne í:non thatiná:kere, iah ne sháka té:ken ne ákta tsi kanatowá:nen rati'terón:ton. Ne kwah tokén:en aiakhi'nikonhraién:ta'ne kari'wanóntha ne taiakwatátken tánon aiakhiiatahón:satate nahò:ten tehona'nekónhrhare.

lonkwaterién:tare tsi ratinón:we's tsi nientsawén'ne tánon oiáshon. Tiotierénhton aiakwátste nahò:ten ionkwahkwíron, né:ne í:non tkanakerahseraké:ron, sénha ne tsi níká:ien ne wentó:re aontahón:ne tahonnitiohkwakén:ni. Teionkwatenhontsó:ni aiakwá:tate tsi ní:ioht tsi ratiri'wanóntha ne kaienawa'séhtsera ne Onkwehón:we tehonnitiohkwakén:nie's, tahonnitiohkwakén:ni tsi ní:ioht tsi ahatirihwakwé:nienst ne tsi nihotirihò:ten tánon tsi ní:ioht ne orihwa'shón:'a.

Ne onkwaio'ténhsera áhsen nitioienhtáhkwen tsi iakhiienawá:se.

1. Eniatión:ni aontaiakwatén:rohwe

Aontaionkhiiehtáhkwe ne kanakerahserá:kon ratiteron Onkwehón:we

Teionkwatenhontsó:ni aka'shátsteke tánon tsi nén:we tsi aontaiakwatén:rohwe ne kanakerahserá:kon ratí:teron Onkwehón:we sénha ne í:non niió:re thati'terón:ton. lakwaská:neks aiatión:ni ne tetsarón:kwen tsi aontaiakwatén:rohwe.

- Kwah tsi ní:kon aón:ton ne kwah taiakwatátken. Ne onkwentióhkwa ienhón:ne tsi kanakerahseraké:ron aterihwahserón:ni enhatihá:we.

Enhonnitiohkón:ni skátne ne Onkwehón:we kanakerahserá:kon ratí:teron

Ne teiontió:ien aka'shátsten'ne tsi na'teikwá:tere ne kanakerahserá:kon aiakhihnhá'ne ahotiió'ten ne tsi tetionnitiohkwakén:nie's ne raotinakerahserá:kon. Ne enwá:ton sénha ioiá:nere tsi neniakwá:iere tsi nahò:ten ionkwaió'te tánon aiakwatste ne e'tho ne kwah orihwí:io.

- lakwaskáneks tseia'tátshon aiakhihnhá'ne tsi kanakerahseraké:ron ne inónhshon thati'terón:ton.

2. Í:sewatst nahò:ten enkwaíé:nawa'se

lakwakaén:ions akwah tsi niiá:wens ne Onkwehonwé:ne

Teionkwatenhontsó:ni sénha ioiá:nere tsi aiakwakaén:ion nahò:ten teiotenhontsóhon ne Onkwehón:we kanakerahserá:kon ahóntste kaienawa'séhtsera ne tsi nahò:ten akwah teiotenhontsóhon tánon ahatirihwakwé:nienste nahò:ten tekení:neren ne *Taionnitiohkwakén:ni Aioianerénhsera*.

- Eniakwatan'nikón:raren ne thénon tsi nónwe nihatihsennarón:nion tánon ónhka ienhén:ien taionnitiohkwakén:ni.

Eniakwaianeráhste sénha aón:ton aiakotó:kenhse tsi ní:ioht tahonnitiohkwakén:ni ne Onkwehón:we

Eniakwakwatá:ko akwahrórhá:tie tsi iakwéhre nakaié:ren tsi nikarí:wes ne tahatithá:ren ne Onkwehón:we tehonnitiohkwakén:nie's sénha aontiesénhake.

- lakwéhre orihwí:io aiatión:ni ne tenhonnitiohkwakén:ni akwé:kon enhonaterién:tarake nahò:ten kari'wanóntha ne tahonnitiohkwakén:ni.

Éso tsi kwah tokén:en tsi shakonahronka'tén:ni tsi ní:ioht tsi ioió'tens ne taionnitiohkwakén:ni, sénha ki' ne nithotiión:sa raotirihwá:ke

Teionkwatenhontsó:ni í:si' nónwe nahonaterién:tarake ne Onkwehón:we ne taionnitiohkwakén:ni aorihwá:ke. Eniakwathró:ri tsi iorihowá:nen nithotiión:sa raotirihwá:ke.

- Enwá:ton eniakwakwatá:ko ónkwa aionshá:rine aionterí:waienste aorihwá:ke tánon tsi nihatiiérha ne ki' ne raotinakeráhsera ne Onkwehón:we, enhontsnié:non tóka' rónnehre.

3. Ioianerá:tie nahò:ten ionkwaterién:tare

laonkwatahsonterá:tie iakwarihó'kwats tsi niiá:kon ne Onkwehón:we teionnitiohkwakén:nie's

Teionkwatenhontsó:ni í:si' nónwe naiakwaweientéhta'ne tó: niiá:kon ne Onkwehón:we teionnitiohkwakén:nie's oh naiá:wen'ne aionkwaterién:tara'ne oh nientsakwá:iere.

- Ne eniakwatste nahò:ten waakwarihó'kwate aionkwa'nikonhraién:ta'ne Onkwehón:we ne orihwí:io tsi tehonnitiohkwakén:nie's.

Ionkwá:re ne onkwanén:ra ahónttoke ne Onkwehón:we kwah tsi ní:ioht tsi tehonnitiohkwakén:nie's

Teionkwatenhontsó:ni ne Quebec rotiió'te sénha ahoti'nikonhraién:ta'ne ne kwah tsi ní:ioht ne Onkwehón:we.

- Enwá:ton ki' ahonwatirihón:nien tóka ni' ahontkenní:sa ne ahatihthá:rahkwe.

Tahontá:ton nahò:ten ronaterién:tare ne akteshon Canadian ohén:ton iehón:nete tehonnitiohkwakén:nie's.

Iakwehre iaiakwatahsón:teren taiakwatá:ton ne ronatiá'ke Canadian ohén:ton iehón:nete ahonteweiénste sénha í:si' nónwe tsi nihatiiérha tánon ronwatiienawá:se ne Onkwehón:we raotinakerahserá:kon ne akteshon nónwe Canada.

- Entiakwáhawe ne ahoti'nikonhrá:reke ne aonhá:'a tkaio'tenhserí:io tánon rontia'táhrha nahò:ten ioterihwahtén:tion tánon ne ronwatiia'tará:kwen ne teshakotia'ténhas ne ákte' nónwe ne Quebec.

Kí:ken ohahakeiohóntsare né:ne í:nón niió:re iehontkáthos. Ska'kháha í:si' nónwe watahshétahs tsi ní:kon tenionnitiohkwakén:ni iakote'shén:naien aiontoriá:neron aieié:na nahò:ten í:ienhre. Kari'wanóntha ahontiá:taren ne raotinakeráhsera ne skátne aionkwaió'ten enwaterihwahtén:ti. Ne kí:ken ohahakeiohóntsare ne tiotierénhton aión:ni aiorihwahníhrha tánon ahatinónhstate tsi teiotté:nion.